



## Terenga 6: Hōtaka 38 – te kupu ‘tūpono’

### He Mihi

Ko te reo rāhiri tēnei o Ako te rere tōrino atu nei i runga i ngā matangi o te wā ki a koutou, kei ngā taringa rahirahi, kei ngā taringa puakaha. Tomokia tēnei tuohunga o te reo.

### Hei Mahi Whakarongo

Ko te koroua māiri nō Taranaki te kaikōrero i roto i te kiriata poto o te rā nei. He mea tango mai i te hōtaka ātaahua o Whaikōrero, i hangā ai e Mahanga Pihama mā. Anei ngā pātai hei whakautu mā koutou:

- 1) Ā hea tū ai te teina?
- 2) He aha te take me noho te teina?
- 3) He aha anō ngā āhukatanga me mōhio e te kaikōrero?


Kia whakarongo tātou ki te reo mirimiri taringa o te kāhu kōrako o ngā kāwai iwi o Taranaki, ki a Huirangi Waikerepuru.

### He Whakamārama

Ki te puta te kupu ‘tūpono’ i te kōrero, he tohu tēnā kāore i āta whakaritea kia puta tētehi tūāhukatanga. Mena e hāngai ana te kōrero ki te wā heke, i ētehi horopaki, he whakaōhiti kei te haere, kei puta tētehi tūāhukatanga kāore i matapaetia. Kei raro nei ētehi tauira:

- a. Mō te tūpono ara ake he raru...
- e. Tērā e tūpono, ka puta he hua
- i. ...me kore noa e tūpono, ka puta te ihu
- o. Kei tūpono heke te ua, haria tō koti
- u. ...ka tūpono pea koe ki tētahi aituā

### He Mahi Ī-papa



Tuhia he rerenga kōrero hei whakamahi i ngā kupu kei te Īpapa.

---

---

### Hei Mahi

**Whakaotihia ēnei rerenga kōrero:**

1. Mō te tūpono ka kite koe i a Mere...
2. Kei tūpono pakaru tō waka...
3. ...me kore noa e tūpono ka whaihua.
4. ...kei tūpono whati.

### Whakautu:

**Mahi Īpapa:** Kei tūpono pā mai tētahi raruraru, anei taku tau waea pūoro.

**Hei Mahi:**

1. ...tēnā kawea tēnei koha mā tana pēpē.
2. ...me hoko inihua koe.
3. Whakamātauria te hangarau hou nei...
4. Me whakawai koe i te waiata tawhito...